

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno pravna komisija
Broj: 01/1-011-880/01
Sarajevo, 27.12.2001.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
SARAJEVO

Datum: 16.12.2002		Vrijednost	
Org. jed.	Broj	Prilog	
01/1-011-880/01			

B

ZAPISNIK sa devetnaeste sjednice Ustavno - pravne komisije

Sjednica je održana dana 27.12.2001.godine sa početkom u 14.00 sati.

Sjednici su prisustvovali:

- | | |
|---------------------|-------------------------|
| 1. Mirko Banjac | 5. Miro Grabovac –Titan |
| 2. Mariofil Ljubić. | 6. Mirko Mijatović i |
| 3. Hilmo Neimarlija | 7. Bogić Bogićević |
| 4. Muhamed Begović | |

Član Komisije Osman Brka je zbog zdravstvenih problema pravdao izostanak, a Željko Bilbija zbog problema u putu izazvanih nevremenom.

U ime predstavnika predlagača Vijeća ministara BiH sjednici su prisustvovali:

1. Maksim Stanišić
2. Jovan Šarac

Sjednici su takođe prisustvovali: Branka Todorović i Milan Zjajić zaposleni u stručnoj službi Predstavničkog doma Parlamentarne skupštine BiH.

Predsjedavajući komisije Mirko Banjac je predložio sljedeći:

DNEVNI RED :

1. Verifikacija zapisnika sa XVIII sjednice Ustavno – pravne komisije održane 30.11.2001.godine.
2. Prijedlog zakona o praznicima Bosne i Hercegovine,
3. Prijedlog zakona o upotrebi i zaštiti znaka Crvenog krsta/križa i naziva Crvenog krsta/križa BiH,
4. Prijedlog zakona o društvu Crvenog krsta/križa BiH,
5. Prijedlog zakona o upravnom postupku BiH,
6. Tumačenje člana 10. Zakona o finansiranju političkih partija,
7. Ostala pitanja.

Predloženi dnevni red je jednoglasno prihvaćen, a na prijedlog Bogića Bogićevića tačka dnevnog reda pod 2. prebačena pod 5. tačku dnevnog reda

Ad. 1.

Bez posebne rasprave i primjedbi članovi Komisije su jednoglasno verifikovali zapisnik sa XVIII sjednice Ustavno – pravne komisije održane 30.11.2001.godine

Ad. 2.

Otvarajući ovu tačku dnevnog reda Predsjedavajući Mirko Banjac je je dao riječ predstavniku predlagača. Gospodin Maksim Stanišić je kratko obrazložio dopis Vijeća ministara Ustavno – pravnoj komisiji u kojem se odbija pribavljanje saglasnosti entiteta za donošenje Zakona o upotrebi i zaštiti znaka Crvenog krsta/križa i naziva društva Crvenog krsta/križa BiH. Potom je otvorena rasprava u kojoj su pored predstavnika predlagača učestvovali Predsjedavajući Mirko Banjac, Hilmo Neimarlija, Muhamed Begović i Mirko Mijatović. Gospodin Neimarlija je podržao stav Vijeća ministara iznešen u dopisu, dok je Predsjedavajući Banjac iznosio argumente koji su pobijali navedeni stav ističući da je drsko od Vijeća ministara što odbija formalno pribaviti saglasnost, jer ona faktički postoji kroz saglasnost entitetskih organizacija Crvenog krsta o čemu je obavješten od Crvenog krsta Republike Srpske. Sve navedeno u dopisu, istakao je predsjedavajući doživljava kao

uvodenje prakse da član 3. tačka 5. a) ne traži saglasnost entiteta i da je lično za donošenje zakona, ali je protiv te prakse jer su entiteti konstituenti BiH i bez njih nema ni BiH.

Hilmo Neimarlija je zamjerio Predsjedavajućem što je "teško" kvalifikovao ponašanje Vijeća ministara kao drsko, jer po njemu jasan je zahtjev Federacije Crvenog krsta da može biti samo članica federacije organizacija na nivou države, a ne da entiteti donose zakone i da se njemu dopis čini korektnim.

Na ovo je uzvratio Predsjedavajući da je dopis i drzak i čak neozbiljan, jer bi se Ustavni sud u procesu suđenja mogao pozvati na navdenu odluku, a ne na osnovu nje suditi.

Potom je predstavnik predlagača potvrdio da sa stanovišta evropskog sistema prava bi bio dopušten spor, jer ne postoji president i ako sudska praksa ima svoju težinu, sud bi mogao odlučiti i drugačije. Postavio je pitanje o tome da li je Vijeće ministara inače u obavezi da pribavlja saglasnost entiteta ili to možda mogao raditi i Predstavnički dom u parlamentarnoj proceduri.

Član Komisije Muhamed Begović je odgovorio da saglasnosti treba pribaviti predlagač i da bi u konkretnom slučaju situacija bila jasnija da je Crveni krst vladina organizacija, dodajući da bi eksperti za jezik trebali jednom razjasniti ovu dilemu.

Mirko Mijatović je u svojoj diskusiji istakao potrebu da se zakon donese i da ima saznanja da je i tekst zakona usaglašen, ali da Vijeće ministara zloupotrebljava odluku Ustavnog suda.

Nakon toga komisija je jednoglasno prihvatila tekst Prijedloga zakona o upotrebi i zaštiti znaka Crvenog krsta/križa i naziva društva Crvenih krsta/križa, a za izvjestioca određen Predsjedavajući.

Ad. 3.

Na početku rasprave Predsjedavajući je pozvao predstavnika predlagača Zakona o društvu Crvenog krsta/križa BiH, koji je istakao da se na zahtjev Federacije crvenog krsta išlo sa dva zakona, čime je odgovorio na pitanje Muhameda Begovića što se nije išlo sa jednim zakonom, jer su ovaj i zakon o kome se završila rasprava bliski.

Nakon toga članovi Komisije su jednoglasno prihvatili da postoji valjan ustavni osnov za donošenje Zakona o društvu Crvenog krsta/križa BiH i da se ponuđeni tekst može uputiti u dalju zakonodavnu proceduru.

Ad. 4.

Na početku rasprave Predsjedavajući je pozvao predstavnika predlagača Zakona o upravnom postupku BiH da uzme riječ, a prije toga istakao da bi se u naziv zakona trebalo dodati "u institucijama". Predstavnik predlagača je rekao da član 1. zakona tako i definiše regulativu. Nakon kraće diskusije članovi komisije su se usaglasili da se i izmjena naziva vrši u amandmanskoj fazi i zatim su članovi Komisije jednoglasno prihvatili da postoji valjan ustavni osnov za donošenje Zakona o upravnom postupku BiH i da se ponuđeni tekst može uputiti u dalju zakonodavnu proceduru.

Ad.5.

Na početku rasprave Predsjedavajući je konstatovao da predstavnik Doma naroda predlagača Zakona o praznicima nije prisutan i Komisija je jednoglasno odgodila raspravu po ovoj tački dnevnog reda.

Ad. 6.

Nakon kraće rasprave konstatovano je, jednoglasno, da Ustavno – pravna komisija nije nadležna za tumačenje člana 10. Zakona o finansiranju političkih stranaka.

Ad. 7.

Kako nije bilo prijedloga za ovu tačku dnevnog reda (ostala pitanja) Predsjedavajući je zaključio devetnaestu sjednicu u 16,00 sati.

PREDSJEDAVAJUĆI
USTAVNO - PRAVNE KOMISIJE
Mr. Mirko Banjac